



Jørgen Olsvoll
Håtuftvegen 280
5918 FREKHAUG

Referanser:
Dykkar:
Vår: 16/1562 - 16/14795

Saksbehandlar:
Marius Flemmen Knudsen
marius.knudsen@meland.kommune.no

Dato:
21.07.2016

Løyvingsbrev Gbnr. 30/2 og 4 SMIL 2016 - tilskot til gjerding og beiterydding

Administrativt vedtak. Saknr: 266/2016

Saksutgreiing:

Vi syner til søknad motteke 31.05.2016.

Meland kommune vart for 2016 løyvd kr 170.000 i SMIL-midlar frå Fylkesmannen i Hordaland. Utval for drift og utvikling vedtok i møte 19.04.2016 ein ny SMIL-strategi for 2016-2019 med prioriteringar og satsar for kostnader. Søknadsfrist var 01.06 2016. Då søknadsfristen gjekk ut hadde Meland kommune motteke 15 søknader, m.a. frå Jørgen Olsvoll for Gnr. 30. bnr. 2 og 4 og Gnr. 31. bnr. 3.

Jørgen Olsvoll har søkt om tilskott til: inngjerding av beite og beiterydding på Gbnr. 30/2 og 4 og inngjerding av beite på Gbnr. 31/3 som er leigde areal.

Tiltaket ligg i LNF-området i arealplanen og kommunen har ikkje registrert viktige miljøverdiar på arealet, men det er registrert ein naturtype i nærleiken.

Vedlegg til søknaden som er levert:

- Kart over tiltaket
- Kopi av leigeavtale

Bruket har eit jordbruksareal på 125,8 daa, 233 daa skog og 64,6 daa anna areal. Driftsforma på bruket er saue- og storfehald.

Av SMIL-strategien går det fram at kommunen vil prioritere bygningar/byggverk, bygningsmiljø og landskap som er representative og særmerkt for vårt område, og bygningar som kan skape næringsaktivitet. Kommunen meiner det er viktig å sjå dei ulike tenesteområda i samanheng og byggje vidare på tiltak som allereie er i gong, t.d. beiteprosjekt, gamle turvegar m.m. Nyetablerte kan prioriterast. Det vert sett krav om at før utbetaling kan skje til nyetablerte, må det vere beitedyr på garden.

Overordna prioriteringar:

1. Framleis satsing på biologisk mangfald, stell og rydding av beitemark med særleg vekt på truga landskapstypar som kystlyng og strandeng. Denne særlege satsinga skal ikkje fortrenge søknadar som gjeld vanleg beitemark, men er det knappe midlar skal ein prioritere kystlynghei og strandeng dersom det kjem slike søknadar.
2. Tiltak hjå nyetablerte bønder dei 5 første åra etter overtaking
3. Tiltak knytt til å sette i stand bygningsmasse med tanke på ny aktivitet under gamle tak eller tradisjonell bruk og tiltak knytt til tørrmura element og heilskapleg kulturmiljø
4. Gjennomføring av fellestiltak knytt til kartlegging av avrenning frå landbruksareala til vatn og vassdrag.

Forskrift om tilskot til spesielle miljøtiltak i jordbruket ble i 2015 revidert. Det ble i ettertid utarbeidd eit nytt rundskriv til den reviderte forskrifta. Søknadene vert sett i samanheng med det Regionale miljøprogrammet for Hordaland (RMP).

Vurdering:

Prioritering totalt sett: 3

Søkjjar er ny bonde og driv aktivt, søkjjar har trong for meir beite i samband med auka produksjon. Område ligg nært driftssenter og har tidligare vore beita, og krev liten innsats for å bli godt beite igjen. Område er ein del av eit større samanhengande område, og vil vere godt synleg frå veg og for fastbuande. Administrasjonen har redusert søknadens omfang i gjerdelengde og i beiterydding. Administrasjonen ser at søkjjar har trong for meir beite, men det er pga. lite midlar og mange søknader, ikkje rom for å innvilge heile søknaden. Administrasjonen har valt å prioritera gjerdestrekningar og beiterydding som krev minst innsats for gode beite og som ligg nærast driftssenter. I tillegg har det vore lagt vekt på samanhengen med tidligare løyvde SMIL-prosjekt til gjerding.

Reknestykket vert slik:

Tiltak	Mengde	Einingskostnad	Kostnad kr	Tilskots %	Tilskot kr
Gjerding synt på					

kart					
Gjerding, meter	891,7	60	53502		
Kjøregrind	3	1500	4500		
Sum			58002	50	29001
Beiterydding, daa	6	2000	12000	50	6000
Sum			70002	50	35000*

*Avrunda til nærmaste 100.

Administrasjonen vil gje SMIL-tilskot i år til gjerdinga som går frå driftsbygning og opp i utmarka mot eksisterande gjerde der, i tillegg til gjerde langs grense mot Gbnr. 31/2. Administrasjonen vil gje tilskot til beiterydding på to areal nær driftsbygning på ca. 2,3 daa og 3,7 daa. På Gbnr. 31/3 vil administrasjonen gje tilskot til gjerdetrase som går i grensa mellom Gbnr. 31/3 og Gbnr. 31/4 frå Hestdalsvatnet.

Administrasjonen minner om at det er mogleg å søkje SMIL-midlar til resterande beiterydding og gjerding ved neste høve

Søknaden er vurdert i høve til naturmangfaldlovas §§ 8-12 og ut i frå den kunnskap som administrasjonen har om viktige miljøverdiar på Hestdal. Administrasjonen har vurdert det slik at tiltaket ikkje er i konflikt med dei omsyn som lova skal ta vare på (jf. §§ 8-12).

Vedtak

”Meland kommune løyver 35.000 kr i tilskot til Jørgen Olsvoll på Gnr. 30 bnr. 2 og 4. Løyvinga er eit eingongstilskot. Tilskotet løyves til dei gjerdestrekningane og områda for beiterydding som nemnt over.

Vedtaket har heimel i §§ 5 og 8 i Forskrift om spesielle miljøtiltak i jordbruket.

Løyvinga vert gitt på følgjande vilkår:

Generelle vilkår:

- Frist for gjennomføringa av tiltaka er sett til inntil tre år frå løyving: 01.10.2019.
- Det kan søkjast om utsetjing av arbeidsfrist i inntil to år ut frå skriftleg grunngeving, seinast ein månad før oppsett frist går ut.
- Søkjar har forplikta seg i høve til ein rekkje punkt ved underskrift av søknadsskjema, jf. punkt 5 i søknadsskjema.
- Løyving av tilskot inneber ikkje at tiltaket er godkjend i høve til anna regelverk. Det er difor viktig at søkjar før gjennomføring av tiltak gjer seg kjend med aktuelle lover og forskrifter.

Særskilde vilkår – beite:

Omsøkt areal bør nyttast til beite/slått i inntil 10 år etter at tiltaket er gjennomført. Kommunen minner om at det på gamal kulturmark ikkje bør oppgjødselast eller nyttast fullgjødsel. Dette er viktig for å ta vare på breidda av det staeigne artsmangfaldet. Ved gjerding skal gjerdet ha ein 4

mm overstreng og bendsel mellom kvar stolpe, det vert i tillegg sett krav om at det er understreng ved hald av småfe, og tilrådd ved hald av andre beitedyr, for å sikre god stabilitet og lengre levetid.

Regional kulturminneforvaltning:

Kulturminne og kulturmiljø som er freda etter Kulturminnelova, skal handsamst særskild. Regional kulturminneforvaltning må kontaktast ved t.d. istandsetting av freda bygning eller skjøtsel kring ein automatisk freda gravhaug, dersom dette går ut over tradisjonell bruk av området til slått eller beiting.

Utbetaling av tilskot og utsetjing av arbeidsfrist:

- Tilskot vert utbetalt når tiltaket er gjennomført i tråd med løyvinga.
- Søknad om delutbetaling av inntil 75 % av løyvd tilskot når tilsvarande mengd arbeid er utført.
- Resterande del på 25 % vert utbetalt når tiltaket er fullført og sluttrekneskap er godkjend av kommunen.
- I søknad om sluttutbetaling skal det leggjast ved rekneskap med timelister, faktura og foto. Meland kommune har utarbeidd skjema til dette.
- Til utbetaling vil konto som oppgjeve på søknaden verte nytta. Søkjar plikter å informere skriftleg om endringar.
- Søknad om utsetjing av arbeidsfrist skal rettast til kommunen. Det er viktig at ein søker om utsetjing i god tid før fristen går ut, minimum ein månad før.

Kontroll:

Kommunen kan kontrollere at arbeid er gjort som omsøkt, jf § 9. Sakshandsamar hos Fylkesmannen kan også synfare tiltak. Statens Landbruksforvaltning eller Riksrevisjonen kan krevje naudsynte opplysningar og kontrollere at bruken av tilskotsmidlane er i tråd med føresetnadane.

Omgjering av vedtak:

Kommunen kan omgjere vedtak om løyvd tilskot dersom det oppstår tilhøve som er i strid med føresetnadane for løyvinga eller tilskotsordninga, jf. § 10. Kommunen minner om at løyvd tilskot kan trekkjast attende, heilt eller delvis, dersom det oppstår tilhøve som er i strid med føresetnadane for ordninga. ”

Saka er handsama og avgjort administrativt i medhald av delegert mynde, jf. kommunelova § 23 nr 4 og gjeldande delegasjonsreglement.

Klage

Vedtaket er eit enkeltvedtak etter reglane i lov om offentleg forvaltning (fvl.). Vedtaket kan klagast på til kommunen, jf. fvl. §§ 28-36. Klagefristen er 3 veker frå melding om vedtak er motteke. Det er nok at klagen er postlagt innan fristen går ut. Klagen skal sendast skriftleg til kommunen. I klagen skal det gå fram kva det vert klaga på i vedtaket, og kva endringar ein ønskjer. Klagen skal grunngjevast.

Med helsing

Anny Bastesen
sektorsjef teknisk

Marius Flemmen Knudsen
skog- og miljøkonsulent

Dokumentet er elektronisk godkjent og har difor ingen signatur.

Vedlegg:

Signer SMIL-søknad 2016 Gbnr. 30-2 og 4

Kopi til:

Fylkesmannen i Hordaland

5020

BERGEN

Mottakere:

Jørgen Olsvoll

Håtuftvegen 280 5918

FREKHAUG